

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
DOM NARODA / ДОМ НАРОДА**



**Zajednička komisija za odbrambenu/obrambenu
i sigurnosnu politiku i nadzor nad radom
odbrambenih/obrambenih i sigurnosnih
struktura na nivou/razini BiH**

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
ДОМ НАРОДА**

**Зажедничка комисија за одбрамбену и
безбједносну политику и надзор над радом
одбрамбених и безбједносних структура
на нивоу БиХ**

Broj/Број: 4/1-50-1-149-15/04
Sarajevo/Сарајево: 09.11.2004. godine

ZAPISNIK

Petnaeste sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH koja je održana u 09.11. 2004. godine u vremenu od 11,45 do 13,00 sati.

Sjednici su prisustvovali članovi Zajedničke komisije: Boško Šiljegović, Šefik Džaferović, Momčilo Novaković, Vinko Zorić, Adem Huskić, Halid Genjac, Vinko Radovanović, Anto Spajić, Mirko Blagojević i Branko Zrno.

Iz opravdanih razloga nisu prisustvovali i Seada Palavrić i Osman Brka.

Sjednici su prisustvovali i gosti: Pešto Emin iz Ministarstva sigurnosti BiH, Alma Čolo iz Predsjedništva BiH, Mudžahid Hasanbegović iz OHR-a, Christian Haupt iz OSCE-a, te eksperti Parlamenta FBiH Neven Kazazović i Enes Zukanović.

Pored navedenih, nastavku sjednice prisustvovali su i Dragica Hinić, privremeni sekretar Zajedničke komisije i Željko Grubešić, ekspert za pomoć u radu Zajedničke komisije.

Sjednicom je predsjedavao Boško Šiljegović.

Za raspravu na sjednici predložen je slijedeći

DNEVNI RED:

1. Verificiranje zapisnika sa 13. sjednice Zajedničke komisije;
2. Razmatranje cjelovitog izvještaja o stanju u odbrambenim i sigurnosnim strukturama BiH (Izvještaj Ministarstva odbrane BiH sa Informacijom o stanju popunjenosti ljudstvom i Izvještaj Ministarstva sigurnosti BiH sa Informacijom o popunjenosti ljudstvom DGS-e i SIPA-e)
Izvjestioци: resorni ministri;
3. Razmatranje i sublimiranje poslaničkih prijedloga zaključaka proisteklih prilikom rasprave na Predstavničkom domu o Informaciji o stanju sigurnosti BiH;
4. Tekuća pitanja:
 - a) Određivanje članova Zajedničke komisije koji će prisustvovati određenim planiranim aktivnostima izvan Sarajeva.
 - b) Informiranje o susretu s brigadnim generalom NATO-a Stevenom Schook-om.

Članovi Zajedničke komisije jednoglasno su usvojili predloženi dnevni red.

Ad.1. 1. Verificiranje zapisnika sa 13. sjednice Zajedničke komisije

Zapisnik 13. sjednice članovi Zajedničke komisije verificirali su jednoglasno.

Ad. 2. Razmatranje cjelovitog izvještaja o stanju u odbrambenim i sigurnosnim strukturama BiH (Izvještaj Ministarstva odbrane BiH sa Informacijom o stanju popunjenosti ljudstvom i Izvještaj Ministarstva sigurnosti BiH sa Informacijom o popunjenosti ljudstvom DGS-e i SIPA-e)

Boško Šiljegović dao je uvodne napomene o ovoj tački dnevnoga reda. Istaknuo je da je Zajednička komisija zadužena zaključkom 39. sjednice Predstavničkog doma od 25. juna 2004. godine, da do 25.09.2004. godine dostavi cjelovit izvještaj o stanju u odbrambenim i sigurnosnim strukturama u BiH, s osvrtnom na sve bitne aspekte.

Na zahtjev Zajedničke komisije za dostavu informacija, Ministarstvo odbrane BiH dostavilo je cjelovit Izvještaj 23.09.2004. godine o stanju u ovom ministarstvu, kao i Podatke o stanju popunjenosti ljudstvom 22.10.2004. godine, dok je Ministarstvo sigurnosti dostavilo Izvještaj o stanju 21.10.2004. godine, a informaciju o popunjenosti ljudstvom DGS-a i SIPA-e 02.11.2004. godine. Na predmetnoj sjednici Zajedničke treba razmotriti navedene izvještaje i Predstavničkom domu Parlamenta BiH dostaviti cjeloviti izvještaj sa eventualnim zaključcima, s tim da bi, zbog značaja ovih izvještaja, cjelovit Izvještaj trebalo dostaviti i Domu naroda.

Nakon kraće rasprave članovi Zajedničke komisije jednoglasno su podržali navedene akte oba ministarstva, koji čine cjelovit Izvještaj o stanju u odbrambenim i sigurnosnim strukturama u BiH, s osvrtnom na sve bitne aspekte. Zbog značaja oblasti koje cjelovit Izvještaj obrađuje, isti će se dostaviti i Domu naroda na razmatranje.

Ad. 3. Razmatranje i sublimiranje poslaničkih prijedloga zaključaka proisteklih prilikom rasprave na Predstavničkom domu o Informaciji o stanju sigurnosti BiH

Boško Šiljegović informirao je članove Zajedničke komisije da je Radna grupa okončala posao oko izrade prijedloga sublimiranih zaključaka proisteklih iz rasprave o Informaciji o stanju sigurnosti u BiH.

Momčilo Novaković, član Radne, informirao je prisutne da su sačinjeni prijedlozi mjera i zaključaka, s tim da zbog kratkoće vremena prilikom njihove izrade, neki od zaključaka i mjera nisu sinhronizirani. Stoga je predložio da Zajednička komisija usvoji navedene prijedloge mjera i zaključaka, s tim da se prilikom konačne obrade izvrši njihova logična sinhronizacija.

Navedeni prijedlog članovi Zajedničke komisije usvojili su jednoglasno.

Za izvjestioca pred Domom o ovoj tački dnevnoga reda određen je Momčilo Novaković.

6. Tekuća pitanja

a) Određivanje članova Zajedničke komisije koji će prisustvovati određenim planiranim aktivnostima izvan Sarajeva:

1. Posjeta Hrvatskom saboru- Odboru za unutrašnju politiku i nacionalnu sigurnost, 6. i 7. decembra ove godine. Cilj posjete je da se razmjene informacije o radu ovih radnih tijela, kao i sagledavanje hrvatskog iskustva u demokratskoj kontroli oružanih snaga, iskustava iz priključenja Partnerstvu za mir i druga pitanja. U posjetu je pozvano 6 članova i predsjedavajući Zajedničke komisije, sekretar i ekspert Zajedničke komisije, te predstavnici entitetskih komisija. Članovi Zajedničke komisije saglasili su se i predložili kolegijima da se na ovaj put upute: Boško Šiljegović, Branko Zrno, Halid Genjac, Vinko Radovanović, Adem Huskić, Vinko Zorić, Momčilo Novaković, Dragica Hinić i Željko Grubešić.
2. Posjeta DGS- u u Sarajevu i graničnim prelazima Trebinje i Doljani, 17.11.2004. godine. Do destinacije u Trebinju i Doljanima došlo bi se helikopterima Vojske RS-e i FBiH-e, a što je već dogovoreno i obezbjeđeno. Omogućeno je svim članovima Komisije da učestvuju u ovoj aktivnosti, a što je jednoglasno podržano.

3. Na ime Boška Šiljegovića, predsjedavajućeg Zajedničke komisije, dostavljen je poziv za učešće na 3. sastanku Cetinjskog parlamentarnog foruma, koji se treba održati od 28. do 30. novembra 2004. godine. Pored njega, za još dva člana osigurano je plaćeno učešće na Forumu, kome inače može prisustvovati još članova, ali za njih bi Parlament trebao snositi troškove. Članovi Zajedničke komisije saglasili su se i predložili kolegijima da se na ovaj put upute: Boško Šiljegović, Branko Zrno i Seada Palavrić, odnosno Adem Huskić ako g-đa Palavrić ne bude mogla putovati, te jedan od vozača.
4. Zajednička komisija pojavljuje se u ulozi organizatora Radionice na temu Budžeti odbrane u 2005. godini. Ovu radionicu iskoordinirao je i osigurao sredstva OSCE i NATO. Radionica se treba održati 15. i 16. 11.2004. godine na Jahorini, a na istoj je planirano prisustvo resornih ministara odbrane sa državnog i entitetskih nivoa, predstavnika ministarstva finansija, komisija iz oblasti odbrane i finansija, predstavnika najviših vojnih struktura, sekretara i eksperata komisija, svih nivoa. Ovim putem nastoji se postići najveći stepen saradnje i koordinacije u procesu izrade budžeta odbrane, prije nego zvaničan Prijedlog budžeta bude dostavljen u parlamentarnu proceduru. Svi članovi Zajedničke komisije pozvani da uzmu učešće u radu radionice, a što je jednoglasno prihvaćeno.

Adem Huskić predložio je da se u okviru Zajedničke komisije formiraju grupe koje bi bile specijalizirane za obradu pojedinih oblasti, a na taj način ne bi se ad hoc određivali članovi Komisije za učešće u okviru pojedinih skupova.

5. Boško Šiljegović predložio je da Komisija inicira odnosno predloži posjetu parlamentarnim tijelima iz oblasti odbrane i sigurnosti Skupštine Srbije i Crne Gore, Makedonije i Albanije, na isti način kako je organizovana posjeta Hrvatskom saboru. Kako je OSCE organizator posjete Hrvatskom saboru i snosi sve troškove, to bi trebali vidjeti da se pojavi i u ulozi organizatora ovih posjeta.

Šefik Džaferović saglasan je s navedenim prijedlogom, s tim da bi isti trebalo dopuniti posjetama ostalim zemljama Jugoistočne Evrope, Sloveniji, Rumuniji, Bugarskoj, Grčkoj i Turskoj.

Prijedlozi su jednoglasno prihvaćeni, uz zaduženje g-dina Džaferovića da kontaktira nadležne institucije R Slovenije, s obzirom da postoje određeni problemi oko zainteresiranosti ove zemlje za prijem delegacije iz BiH-a.

b) Boško Šiljegović uklatko je informirao o susretu s brigadnim generalom NATO-a, Stivenom Šukom, koji je održan 5.11.2004. godine i kome je pored njega prisustvovao Šefik Džaferović, dok g-din Zrno iz opravdanih razloga nije mogao doći. Susretu je prisustvovao i Željko Grubešić. Na sastanku je prezentiran dosadašnji rad Zajedničke komisije.

Željko Grubešić potom je istaknuo da je general Šuk pozvao članove Zajedničke komisije na prezentaciju preuzimanja dužnosti sa SFOR-a na EUFOR.

Članovi Zajedničke komisije saglasili su se da se ova aktivnost pokuša dogovoriti u periodu između 20. 11.do 27.11. tekuće godine.

c) Šefik Džaferović uklatko je informirao o održanoj sjednici Komisije za reformu odbrane. Najznačajnija informacija sa ove sjednice je da je konačno definirana vojno-obavještajna služba. Članovi Komisije informaciju su primili k znanju.

d) Boško Šiljegović informirao je uklatko o obavljenoj posjeti Briselu delegacije Parlamentarne skupštine BiH pri NATO-u, koju su pored njega činili Seada Palavrić, Ivo Miro Jović, Halid Genjac, kao i članovi kolegija oba doma.

Članovi Komisije informaciju su primili k znanju.

Zapisnik sačinila:
Dragica Hinić

Privremeni predsjedavajući
Zajedničke komisije:
Boško Šiljegović

